



(Selo da Corporación)

(Sinatura do Presidente)

[Signature]

Folio N.º

Serie A N.º 1503924

Segundo.- Aprobar, nos seus propios términos, o dictame da Comisión Informativa de Facenda e Patrimonio, nos antecedentes transcrito.-

Pola Presidencia dase por rematada a presente sesión, sendo as nove horas e cinco minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 123 do Papel Timbrado da Comunidade Autónoma de Galicia, Serie A nº 1503922 ata o folio núm. 125, Serie A nº 1503924, de todo o que, como Secretaria, DOU FE.-

O ALCALDE

[Signature]

XAIME REI BARREIRO

A SECRETARIA XERAL

[Signature]

ANA BEGOÑA MERINO GIL

**SESIÓN EXTRAORDINARIA CELEBRADA POLO PLENO DO CONCELLO O DÍA 19 -
DECEMBRO - 2007**

ORDE DO DIA

ASUNTO ÚNICO.- PRESENTACIÓN DO ACORDO SOBRE AS BASES PROGRAMÁTICAS PARA A ACCIÓN DO GOBERNO DO CONCELLO DE REDONDELA POLOS GRUPOS DO PSOE E BNG.

Na Casa do Concello de Redondela, sendo as nove horas e cinco minutos do día dezanove de decembro de dous mil sete, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, Dª. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, Dª. ISABEL CASTRO PIEDRAS, Dª. FRANCISCA CANAL GÓMEZ, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, Dª. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, Dª. LAURA ALONSO GÓMEZ, D. XOSÉ CARLOS PAZOS DOCAMPO, Dª. MARÍA ANXELES BABARRO FERNÁNDEZ, Dª. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asisten, excusando a súa ausencia, os/as Sres./as Concelleiros/as: D. JUAN TIZÓN CABALEIRO e D. BENIGNO GARCÍA-LUENGO MONTERO.

A Presidencia declara aberta a sesión, en primeira convocatoria, procedéndose a tratar o único punto da Orde do Día.-

ASUNTO ÚNICO.- PRESENTACIÓN DO ACORDO SOBRE AS BASES PROGRAMÁTICAS PARA A ACCIÓN DO GOBERNO DO CONCELLO DE REDONDELA POLOS GRUPOS DO PSOE E BNG.-

INTERVENCIÓNS.-

O concelleiro señor Pazos Couñago expón que nun pleno anterior foi afirmación do voceiro socialista que posto que os programas electorais se fixan pensando en gobernos monocolores, o acordo de goberno co BNG determinaba que algunhas actuacións prometidas, como a do spa e centro de día de Chapela, non se poderían levar adiante. Ante tal estado de cousas creen que é bo, para que os cidadáns teñan un coñecemento exacto destas cuestións, que os partidos que compoñen actualmente o goberno de Redondela, clarexen cales son as bases programáticas do seu acordo de goberno o que permitirá que poidan esixi-lo seu cumprimento e saber qué o que van a facer nestes tres anos e medio que quedan de lexislatura.

O concelleiro señor Bastos Fernández dí que él non entra nese debate.

O concelleiro señor Pazos Docampo dí que o BNG non é un partido senón unha organización política e lle parece que non é moi doado utilizar o mecanismo da convocatoria obrigada do pleno do Concello, que a lei contempla, para cousas que non parecen realmente importantes e que non se sabe moi ben o que son. Indica que o acordo entre o PSOE e o BNG é público, que o PP o coñece e pode interpretalo como queira, estea ou non de acordo. Lle parece triste que o PP utilice o seu poder para convocar un pleno deste modo.

O Alcalde afirma que considera que o pleno non tivo nin que convocarse dado que o que contén a orde do día encaixa máis no apartado de fiscalización e control dos órganos de goberno dun pleno calquera que nun pleno extraordinario.

O concelleiro señor González Iglesias dí que o acordo entre os dous grupos é público dende hai meses e que non sabe se o PP é moi lento nas súas reaccións ou que non tiñan nada que prantexar e inventáronse este pleno para remata-lo ano. Dí que non está disposto a debatir nada a non ser que polo grupo popular se lle responde a dúas cuestións: a primeira cómo conqueriron hai anos que un concelleiro do grupo socialista se pasase ao PP e a segunda por qué cederon á Sociedade do Xacobeo un edificio sen asegurarse que revertería o Concello despois caso de que ésta desaparecera ou non se adicara ao fin para o que foi cedido.

A concelleira señora Canal Gómez dí que o voceiro socialista fala de cuestións que non veñen ao caso e sinala que o PP non asinou ningún convenio urbanístico como o grupo socialista, por exemplo o de Reboreda, nun solo especialmente protexido.

O Alcalde dí que non saben por qué lle pagaron a o señor Puch e ao señor Lemos, aínda que afirma que puido ser un pago político. Lles gustaría sabelo.

O concelleiro señor Pazos Couñago dí que o debate debe referirse ao que consta na orde do día. Sorpréndelle que non consideren importante o coñecemento polos cidadáns do que teñen intención de facer nos próximos tres anos.

O concelleiro señor Pazos Docampo sinala que o PP parece perder o control da situación e que os seus representantes interveñen cando non lles corresponde. Estima que o pleno é para tomar decisións e non procede convocar un pleno somentes para debatir. Dí que o que van a facer nos próximos tres anos deriva do acordo de goberno e se va reflectindo cada ano nos orzamentos. Pídelle ao PP que teña as cousas máis claras e que non fagan perder o tempo a todos discutindo algo que non vai a dar lugar a ningún acordo. Lle parece que están a perde-lo tempo.



(Selo da Corporación)

(Sinatura do Presidente)

Folio N.º

Serie A N.º 1503925

O concelleiro señor Pazos Couñago indica que o Alcalde convocou o pleno a esta hora en contra do seu criterio e que o acordo entre o BNG e o PSOE é un acordo sobre cómo se vai a xestionar, pero falta o qué e precisamente o que queren é saber as actuacións que se van a facer que non están no acordo. Lle parece que os grupos de goberno optan por non dar explicacións e ao mellor é porque non teñen nin idea do que van a facer. Pregunda por algunhas das propostas "estrela" como o "spa" de Chapela, os tres centros de día, o paseo marítimo de Cesantes, o pazo de deportes, o remate do saneamentoetc.

O Alcalde dí que o que está a falar o concelleiro non é o que piden no escrito polo que solicitan a convocatoria do pleno. Lle parece que é máis propio dunha sesión na que se trate do estado do Concello con carácter xeral.

O concelleiro señor Pazos Couñago dí que queren que desgranen o seu programa de goberno para enterarse se manteñen as promesas do programa electoral.

O concelleiro señor González Iglesias insiste na súa decisión de non debatir algo que non se sabe o que é, pero considera que non se pode mentir, tal e como fai o representante do PP. Dí que o voceiro do PP minte porque xamais dixo que non se fora a levar a cabo o do "spa" de Chapela e non somentes vaise facer senón que o propio PP da Deputación enganhou a idea e vendeuna para toda a provincia aínda que logo nos orzamentos somentes levaron 100.000 euros. Invita ao PP a examinar ao seu programa electoral e o grao de compromiso con respecto a cada cuestión. Lle parece que é unha desvergonza que falen do saneamento cando o PP en 16 anos de goberno non foi quen nin de sanear a Ría de Vigo. Tamén sinala que no ano 95 existía un convenio asinado coa Xunta para o desenvolvemento do parque industrial de Chan das Pipas pero non se realizou porque a señora Canal e os seus compañeiros asustáronse. Insiste nas dúas cuestións que xa prantexou: Qué pagou o PP aos concelleiros que marcharon do PSOE, ben sexa en diñeiro, caricias ou calquer outra cousa e por qué asinaron un convenio con respecto a Casa da Torre sen garanti-la reversión ao Concello. Con respecto aos convenios urbanísticos dí que no caso do de Reboreda e outros moitos foron aprobados en pleno co voto a favor do PP. Opina que a señora Canal lles oculta cousas aos seus compañeiros.

O concelleiro señor Bastos Fernández volve a declinar entrar no debate.

O concelleiro señor Pazos Couñago pregunta se os concelleiros non teñen dereito a contestar cando se lles fai algunha alusión e insiste novamente en que o voceiro do PSOE afirmou nun pleno que non se ía facer esa actuación porque tratábase de algo previsto para un goberno en solitario e non en coalición.

O concelleiro señor González Iglesias ratifícase no xa dito e insiste en que o van a facer con independencia de que pensa que os que non queren facelo son precisamente os concelleiros do PP. Lle parece que carece de sentido prantexar estas cuestións cinco meses despois do acordo de goberno e dí que se afirmou nun pleno o que dí o voceiro do PP tería que estar no acta da sesión.-

Pola Presidencia dase por rematada a presente sesión, sendo as dez horas e cinco minutos da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 125 do Papel Timbrado da Comunidade Autónoma de Galicia, Serie A nº 1503924 ata o folio núm. 126, Serie A nº 1503925, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL •

ANA BEGOÑA MERINO GIL